



**Francisci Monacelli Eugubini J. U. D. Protonotarii  
Apostolici, olim Ecclesiæ Venusinæ, ac deinde Æsinatis  
Vicarii Generalis, &c. Formularium Legale Practicum Fori  
Ecclesiastici**

In Quo Formulæ Expeditionum usufrequentium de his, quæ pertinent ad  
Officium Judicis nobile, continentur ; Opus Episcopis, Vicariis Generalibus,  
Aliisque Iurisdictionem quasi Episcopalem exercentibus: necnon  
Confessariis, Parochis, Cancellariis, cæterisque in dicto Foro versantibus,  
apprimè utile ...

**Monacellus, Franciscus**

**Venetiis, 1706**

Testimonialium frequentationis Doctrinæ Christianæ Formula X.

---

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

litum esse decentem, semel in Mense Sacram Communionem sumpsisse, functionesque Clericales exercuisse, ac denique Doctrinam Christianam frequentasse, & assiduo labore huic exercitio incubuisse. In quorum &c. die &c.

N. Parochus Ecclesiæ N

Testimoniales separatæ pro eisdem minoribus Ordinibus.

F O R M U L A V I I I .

**E**Go infrascriptus Parochus Plebis N. testor quantum humana fragilitas nosse sinit N. Clericum ex mea Parochia, qui ad minores Ordines N.N. promoveri cupit, esse vitæ integritate, bona fama, atque moribus præditum, Habituque Clericali, & decenti Tonsura semper incessisse. In quorum fidem præsentis litteras testimoniales, etiam mediojuramento manu mea subscripsi, & mei sigilli impressione munivi hac die...

N. Parochus Ecclesiæ N.

N. Testimonialium de perceptione Communionis.

F O R M U L A I X .

**E**Go infrascriptus Archipresbyter Ecclesiæ Parochialis N. testor Clericum N. ex mea Parochia, qui ad minorem Ordinem N. promoveri cupit, frequenter, & præsertim primis saltem diebus Dominicis cujuslibet mensis Sacrosanctæ Eucharistiæ pabulo religiosè refectum fuisse. In quorum &c. Datum &c.

Ego N. Archipresbyter &c. seu Confessarius.

Testimonialis de frequentatione Doctrinæ Christianæ.

F O R M U L A X .

S U M M A R I U M .

1 Clerici debent esse adscripti Societati Doctrinæ Christianæ.

**E**Go infrascriptus Parochus Ecclesiæ N. fidem facio Clericum N. ex mea Parochia, qui ad Acolytatus Ordinem promoveri cupit, *Cathalogo confratrum* Doctrinæ Christianæ adscriptum, assiduo labore ad Doctrinam Christianam ediscendam, & edocendam incubuisse, & in diebus Dominicis, & festis incumbere. In quorum fidem præsentis testimoniales litteras etiam mediojuramento manu mea subscripsi, & mei sigilli impressione munivi, hac die...

Ego N. Archipresbyter &c.

A D N O T A T I O .

1. **CATHALOGO CONFRATRUM**. Supponitur

in formula, quod in Parochiali Ecclesia reperiatur erecta Sodalitas Doctrinæ Christianæ, quæ juxta monitum Bullæ B. Pii V. erigi debet in omnibus Parochia-

chialibus, & quòd Clerici in albo Confratrum reperiantur descripti, ut possint salutis dogmata alios docere, & condoceri: Cum non tantum indigeant hoc pabulo ligures montani, agrestes, & rudes, sed etiam qui mollibus vestiuntur, & in domibus Regum sunt, ignorantiamque, & caliginem hanc mentibus effusam, longè, lateque diffusam deploremus.

Testimonialis de exercitio Ordinis,  
& servitio Ecclesiae.

FORMULA XI.  
SUMMARIUM.

- 1 Clerici qui non deferunt Tonsuram, & Coronam patentem, non debent promoveri.  
Clerici Beneficiati, & in Sacris Ordinibus constituti, si non deferant Tonsuram, & Coronam, peccant mortaliter, ibid.

**E**go infrascriptus Parochus &c. testor Clericum N. ex mea Parochia, qui ad minorem Ordinem Acolytatus promoveri cupit, dictae meae Ecclesiae servitio adscriptum, functiones jam susceptorum Ordinum in Habitu Clericali, & decenti Tonsura, diebus festis in eadem Ecclesia devotè obisse. In quorum &c. Datum &c.

N. Parochus N.

ADNOTATIO.

1 **E**T DECENTI TONSURA. Quia non pauci, qui Clericali militiae nomen dederunt, verentur Clericalem Tonsuram, & Coronam patentem deferre, ac si Dominus, qui eos in partem suam vocavit, huiusmodi texera ignominia vestiret. Ideoque Episcopus si quos inveniat tali carere requisito, abstineat ab impositione manuum donec corrigantur, quia ex huiusmodi defectu magnum indicium oritur eos veram vocationem non habere ad Statum Ecclesiasticum, sed saecularis Iudicii fugiendi causa, & non Deo fidelem cultum praestandi hoc vitae genus elegisse. Sciantque Clerici Beneficiati, & Sacris Ordinibus

initiati, quod si non incedant in Habitu, & Tonsura decenti, & coronam non deferant, peccant mortaliter, ut tenent communiter Abb. in cap. Si quis de vit. & honest. Cler. & alii quamplures quos refert, & sequitur Sperell. decis. 66. nu. 12. Grass. dec. aur. p. 1. lib. 3. c. 3. n. 1. 2. 3.

Testimonialium Ludimagistri.

FORMULA XII.  
SUMMARIUM.

- 1 Ludimagistri non possunt exercere, nisi ab Episcopo approbati fuerint, etiamsi ab Universitatibus Laicorum fuerint nominati.

**E**go infrascriptus Ludimagister, qui approbatus, & emissa fidei professione Grammaticam, seu litteras humaniores doceo in loco N. Diocesis N. medio juramento fidem facio Clericum N. qui ad minores Ordines N. N. admitti cupit meam Scholam ab anno... usque ad... modestè frequentare solitum esse, & bona indole, bonisque moribus praeditum, & Christianè educatum esse, ac in litteris proficere. In quorum fidem mea manu praesentes subscripsi, & sigillo meo munivi. Datum hac die.

Ego N. Ludimagister loci N.

A D-